

52978.

J. N. J.

17.

COLLEGII ETHICI  
DISPUTATIO UNDECIMA  
DE  
VIRTUTE HE-  
ROICA  
CONTINENTIA  
TOLERANTIA  
ET  
AMICITIA

QVAM

PRÆSIDE

M. DAVIDE CASPARI

Diac. Petr. P.P. & Inspect.

*ventilandam proponit*

GEORGIUS PREUSSIUS

Dorpat. Livon.

IN GYMNASIO RIGENSI

ad diem XXV. Maij

*Horis à IX matutinis*

---

R I G Æ

Typis Nöllerianis, Anno M. DC. LXXXV.

A 5075.16.

VIRIS  
GENERO SO MAGNIFICO  
PRÆSTRENUO  
DN. CHRISTIANO THUM  
à Weingarten  
Sereniss.ac Potentiss.Regis Svec.  
Rei armamentariæ per Livoniam Præ-  
fecto & Chiliarcho.

*Nec non*

ADMODUM REVERENDO AMPLIS-  
SIMO CLARISSIMO  
DN. M. JOACHIMO  
SALEMANN  
I Pastori ad D. Olai & Super-  
intendenti Reval.

DOMINIS atque PATRONIS suis  
SUBMISSE COLENDIS

Est. A In debite observantia signum  
Primitiæ Studiorum suorum

Fatu Hukko Mikko  
Raamatukogu

9129

D. D. D.  
Preussius.

## I.

**N**e quid omittatur, quod ad Doctrinam de Virtutibus jure pertineat, ea quoque excutienda sunt, quibus cum virtute vitiisque quædam intercedit similitudo. Quemadmodum enim, præter virtus ante exposita, dantur adhuc alia quædam, in ratione vivendi fugienda, gradibus suis distantia ab illis virtutibus; iisdemque vel superiora, ut Feritas, vel inferiora, ut Incontinentia & Mollities: ita præter virtutes supra expositas, dabuntur etiam alia quædam in ratione vivendi prosequenda, gradibus itidem suis distantia ab illis virtutibus; iisdemque vel superiora, ut Virtus Heroica, alias virtus perfectissima dicta, vel inferiora, ut Continentia & Tolerantia, inde Semivirtutes vocatae. De singulis Arist. Lib. VII. Eth. agit, & nos hic ex illo. Est autem Feritas seu Immanitas, si quis virtutis ita exsuperet, ut jam non amplius homo esse, sed in beluanum degenerasse videatur. Quia certè prævitas non tantum vitium est, sed plus quam vitium. Dicitur Feritas, non quod ferarum seu beluarum sit; haec enim, cum ratione & proæfisi destituantur, nec virtus nec virtutes habent: sed quod hominem feris similiorem faciat, quam reliqua virtus. Dum enim ratio appetitui ita succumbit, ut propemodum extincta videatur, tum homo improbitate videtur excedere, vitamque humanam inferiorem & beluinae similem agere. At Virtus Heroica, quæ huic improbitati opponitur, est, si quis ita virtute excellat, ut in unaquaque summum attingat. Conf. Acciajol. in VII. Eth. I.

## II.

Cæterum tot sunt species Virtutis Heroicæ, quot sunt virtutis Moralis: in singulis enim invenitur, quamvis non æqualiter, sed in aliis magis, in aliis minus; magis in Magnanimitate, minus in Modestia: magis in Magnificencia, minus in Liberalitate. Male igitur à quibusdam objectum virtutis Heroicæ fiducialia & terribilita statuantur; ita sane confunditur fortitudine. Ab Arist. l. c. ~~Ad~~ ipsas, supranos, itemque Dea, divina, vocatur: non quod Dei sit, in quem propriè non cadit virtus, cum in se omnem perfectionem supereminenti modo habeat; conf. Lib. II. M. M. Cap. V. VII. Ethic. I. VI. Eud. I. & X. Eth. VII. sed quod homines Deo quoquo modo si-

miles faciat. Cum enim homo ita virtute excellit, ut appetitus rationis submissus pene exinguatur, tunc videtur assimilari substantiis separatis (quæ mente vivere videntur) & vivere vitâ quasi excedente conditionem humanam. Cujusmodi quicquid est, divinum appellare solemus.

### III.

Hæc autem dicitur ab Heroibus: quo nomine appellantur homines sine exemplo virtutibus prædicti. Unde tales etiam dicebantur Huius Deo, Semidei, quod ex Deo & homine orti putarentur. Sed hoc fabulas sapit gentilium! Afflatus interim divinus, idemq; specialem, hūi minimè omittendus. Quandoquidem enim omnis virtus divino gaudet concursu, specialiori sanè gaudebit, quæ à concitatiore spiritu progressa, copiosiore fructum in genus humanum effundit. Unde Cicero Lib. II. de Nat. Deor. circ. fin. Nemo vir magnus sine aliquo afflato divino unquam fuit. Nec tamen propterea disciplina & affectio ab existentia virtutis Heroica excludenda, sed potius ipsi, ut adjuvantes causa, assignandas sunt. Quia vero virtus Heroica citra peculiarem instinctum divinum in hominem non cadit, hinc rara etiam sunt ejus exempla: celebratur tamen Aristidis Iustitia, Achillis & Hectoris fortitudo, Scipionis temperantia, Socratis Prudentia &c. Quanquam negari non possit, quod Cl. Bruno in Aphor. Mor. Disp. XI Aph. III. observat: Plures Heroum titulo insignitos & rerum gestarum gloria conspicuos viros, motu verius Heroico, quam Habitu præditos fuisse. Feritatis quoq; exempla rara sunt, nec reperiuntur, nisi in Barbaris quibusdam, itemq; Melancholicis. Conf. Muret, in h.l.p 504. qui immanium catalogum necit. Quod autem Janus Huartus Scrut. Ing. cap. XVI. nunquam ex ingentibus & populosis civitatibus Heroas prodierit, scribit, in eo Hispanus contradicit experientia.

### IV.

Prior semi virtutum erat Continentia, quam itidem ex opposito suo, Incontinentia, cognoscemus. Est autem Incontinentia, quæ quis contrajudicium rectæ rationis à pravis cupiditatibus, gulæ imprimis & veneris, quodammodo invitus ad peccandum abripitur; habetq; duas species: Temeritatem & Imbecillitatem. Illâ subito, & quasi per imprudentiam, priusquam de re consultare potuimus

tuimus, ab effectu vehementi ad peccandum ab ripimur; Hac, interjecta aliquam moram, a cupiditatibus, quibus aliquam diu restitimus, vincimur. Continentia ergo erit, quam pravae cupiditates, gula imprimis & veneris, rectarationis imperio invitae subjiciuntur. Differt hinc a Temperantia Continentia: Illa perfectus; haec imperfectus est habitus. Illa tantum circa voluptates gustus & tactus versatur; haec etiam circa alias, licet non primario, v. c. circa eas, quae ex victoria, honore, divitiis, & jucundis rebus aliis percipiuntur. Illa cum; haec sine prooresi agit. Illa sine; haec cum lucta exerceatur. Illa denique sine; haec cum molestia est. Conf. Arist. Lib. VII. Eth. passim, nec non Plutarch. L. de virt. Mor.

## V.

Posterior semivirtutum erat Tolerantia, cuius oppositum Mollities. Est autem mollities, quam quis in doloribus ferendis ita deficit, ut nullas omnino corporis vel animi molestias & afflictiones ob honestatem sustinere velit. Estque duplex, ut Arist. in fin. Cap. VII indicat: Insita & Quæsita. Insita est, quam homines nonnulli propter naturam loci, in quo habitant, vel propter etatem & sexum laborant. Exemplum ejus sunt Persæ, naturam molliores; unde Proverbiū: Mollities Persica; itemque Jones & Sybarite. Eadem mollietie infantes, fæmina, nec non diuturnis morbis enervati laborant. At Quæsita mollities, quæ & voluntaria audit, non tam naturam, quam nostram culpam contrahitur; quam proinde Phil. I. c. voluptuarios, ignavos & qui lusui dediti sunt, laborare scribit. Nam per res ludicas spiritus debiliter tantum afficiuntur, adeoque debiliter alterantur; spiritus autem leviter alterati laxant potius cor, quam constipant. Tolerantia ergo erit, quam res difficiles & molestas honestatis causam cum dolore sustinemus ac ferimus. Convenit cum continentia: quod utraque cum quadam lucta: nam ut continentia continet cum lucta; ita tolerantia tolerat cum lucta. Nec tamen est eadem: Tolerare enim in resistendo est; continentia autem in vincendo. Disversum autem est resistere & vincere, ut Arist. I. c. loquitur.

## VI.

Denuo repetimus, Ethicam esse explicationem Definitionis Summi Boni, quam dicitur, operatio anime rationalis secundum vir-

tutem perfectam in vita perfecta. Cum ergo reliqua definitionis membra prolixè hactenus explicata sint, nunc è ultimo, quod vitam perfectam comprehendit, sua illustratio tribuenda. Quid per vitam perfectam intelligendum sit, ex Disp. II. §. VII. satis elucet: nempe vita sibi sufficiens tam ratione etatis, quam maiorum & bonorum externorum, eademq; in societate civili. Ut vero talis vita sit, Amicitia opus est, sine qua nec vita sibi sufficere, nec bona externa obtineri, nec societas consistere valet; de qua proinde agendum. Plures rationes, cur Amicitia ex foro Ethico non sit exterminanda, Arist. in fronte Lib. VIII. Eth. allegat, quas ibidem videsis.

## VII.

Id, quò amicitia efficitur, Similitudo est; VIII. Eth. I. & IV. nec non II. M. M. XII. ex ea enim, propter amabile, quod continet, benevolentia oritur, quæ, si mutua sit, & manifesta reddatur, in ipsam evadit amicitiam. Hec igitur definitur: Benevolentia mutua non latens. VIII. Eth. II. Dicitur benevolentia (1) mutua, ut excludantur ab eadem inanimata. Quamvis enim & ea amore prosequamur, quia tamen ἀνθρώποι, amore reciproco, destituntur, hinc nec nobis cùm ipsis, nec ipsis inter se amicitia intercedit. (2) non latens: quibus enim non constat de mutua inter se benevolentia, illi, licet benevoli diei possint, amici tamen non sunt Lib. IX. Eth. Cap. V. Cum autem amabile illud, circa quod mutua hæc benevolentia versatur, triplici distingvatur species amicitiae. Una dicitur Honestæ, quæ existit propter virtutem & honestatem, quam inséputamus ei, quem amamus. Altera dicitur Jucunda, quæ contrahitur voluptatis causa, quam percipimus ex eo, quem amamus. Tertia dicitur Utilis, quæ suscipitur ob utilitatem, quam nos percepturos putamus ab eo, quem amamus: Verum enim vero amicitia Utilis, cui potissimum student senes; & Jucunda, quam adolescentes potissimum sectantur, imperfectæ, nec satis sincerae sunt. Qui enim ob utilitatem & jucunditatem sunt amici, utilitatē & jucunditatem magis & per se amant; amicos vero tantum per accidens: id quod cum vera amicitia simul stare nequit. Benevolentia enim ea est: at benevolentia in doles requirit, ut, qui aliis benevolent, non sui gratia ipsis

ipsis benevolent, sed propter ipsos illosq; vibus, favent. Sola igitur Amicitia Honestæ vera est & perfecta Amicitia; reliquæ species non sunt nob̄ ev, sed w̄d̄s ev Lib. VII. Eth. Cap. II. Cumq; haec etiā malorum esse possint, illa non nisi inter viros bonos locum habet, quia virtus & honestas, quæ eam conciliat, non nisi in viris bonis est. Quò pauciores autem reperiuntur boni, eò rarior quoq; haec est amicitia; ut inde Cicero in Læl. ex omnibus seculis vix tria aut quatuor paria amicorum nominari, scribat. Tempore etiam indiget & consuetudine: multi enim modii salis simul edendi sunt, ut amicitia munus expletum sit. Cic. l. c. Nec tamen est erga multos; cum multi uni & eidem placere vix queant. Deniq; est à Διάλεξη, vacans calumniis. Uti enim viri boni delatoribus & calumniatoribus non facile fidem habent; ita nec facilè sinistrè de eo suspectantur, quem virū bonum esse, diuturnâ experientiâ didicere. Conf. VIII. Eth. III. IV. & V. IX. Eth. X.

### VIII.

Sicut in virtutibus fit, ut alii habitu tantum virtutis prædicti sint, alii vero secundum habitum istum etiam benè agant; ita in Amicitia. Quidam locorum intervallis distracti, amicorum munia exsequi non valent; atq; hi animo tantum & voluntate amici sunt: quidam vero unà viventes, mutua amicitia officia sibi invicem præstant, adeoq; actu amici existunt. Nec quicquam tam proprium esse videtur amicorum, quam tò συζητῶν, unà vivere. Licet enim absentia amicitiam simpliciter non tollat, tamen usum ejus impedit; imò, si diuturnior fuerit, amicitia oblivionem inducere potest. Conf. VIII. Eth. V. Hinc est, quod consuetudine amicorum oblectare se volunt etiam, qui nullam utilitatem inde sperant, quiq; nullius rei indigi sunt; cum beati esse non posse sibi videantur, si soli vivant. Nec tamen sola conversatio Amicitia adjunctum est, sed requiruntur, præter hanc, adhuc tria: Benevolentia, concordia, beneficentia Lib. IX. Eth. Cap. I. Illa quid sit, ex dictis fere constat, nempe: Principium amicitiae, diuturnitate temporis, convictuq; familiaritate, in amicitiam transiens. Cap. V. Ista est Civilis inter nos consensus, de rebus gravibus, quæ per nos effici possunt. Cap. VI. Haec deniq; est actus amicitiae, quò benevolam erga alios mentem re ipsa declaramus Cap. VII. Uti hac amicitiam conservant: ita querela & expostulationes extingunt. VIII. Eth. XIII. & Lib. X. Cap. I.

### IX. Quo-

## IX.

Quoniam verò Amicitia in Communione est, VIII. Eth.  
 IX. pro hujus quoq; diversitate Arist. amicitiam aliam facit Privatam  
 aliam Publicam seu Civilem Cap. XI. Hanc iterum, juxta tres  
 Rectarum Rerum publicarum formas Cap X. subdividit in Regiam,  
 Aristocraticam & Popularem; quarum due priores sunt Amici-  
 tiæ nād' ὑπεροχὴν, s. excellentiæ: Postrema est æqualitatis Cap. XI.  
 Privatam subdividit in Naturalem & Voluntariam. Naturalem  
 vicissim vel συγσεμὴν vel ἐταιριὴν facit; illa oritur vel ex con-  
 junctione sanguinis, qualis Paterna & Fraterna; vel ex nuptiis,  
 qualis conjugalis; quarum primæ respondet amicitia Regia; se-  
 cunda Populari; tertia Aristocraticæ. l.c. Hæc, ἐταιριὴν scilicet,  
 ex similitudine, vel speciei, vel accidentium ortum trahit. Volun-  
 tariæ tot sunt species, quot in vita societas Cap. XII. Nota diver-  
 sam in Amicitia nād' ὑπεροχὴν rationem. Neque enim amicitia Pa-  
 tris ad filium ita se habet, ut amicitia filii ad Patrem; nec Principis  
 amicitia ad subditos, ut subditorum ad Principem: quia diversa est  
 cuiusq; virtus, & diversa, ob quæ amant. Cap. VII. Cumq; in omni  
 amicitia æqualitatem quandam esse oporteat, in hac amicitia pro-  
 portio Geometrica observatur; ut scil. is, qui præstantior est, ma-  
 gis diligatur, quam diligat: & inferior tantum officiorum tribuat,  
 quantum pro virili potest. Sic etiam inter inæquales & diversæ con-  
 ditionis homines suo modo amicitia servari posunt. Quod si nimis  
 magna est distantia, ut nulla proportio constitui possit, cessat etiam  
 Amicitia. Quomodo nulla est Amicitia hominis ad DEum, manci-  
 pii ad Regem, stultii ad sapientem. Reliqua ad hanc doctrinam faci-  
 entia vide Libb. IIX. & IX. Ethicor. Nicom. adde in illum Aspasium  
 in hunc Eustratum; in utrumq; Acciajolum. X.

Coronidū loco queritur: An Amicitia inter pocula inita, quam fraternita-  
 tem vocant, sit vera seu honesta? Negatur. Vera enim amicitia consistit in æ-  
 qualitate ac similitudine eā, quæ est ex virtute; hæc verò, licet in æqualitate quoq;  
 & similitudine quadam consistat, quatenus Φίλοις Θεοῖς in ea amore pro-  
 sequitur, morum tamen in illa honestorum similitudo talis est, qualis inter ebrios es-  
 se solet. Quid, quod vera seu honesta amicitia non tam circa jucundum, quam cir-  
 ca bonum versetur? Fraternitas autem inter pocula ab ignotis etiam contracta,  
 maximè versatur circa jucundum; quō cessante, &  
 amicitia cessare solet.